

INUIT ATAQATIGIIT

Inatsisartuni



01-06-2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Naalakkersuisut nunatsinni oqaluffiit iluarsartuunnissaannut qanoq pilersaaruteqarpat?**
- 2. Oqaluffiit iluarsaattuunneqassappata periuseq suna atorlugu tulleriiaarneqassappat?**
- 3. Nunaqarfinni illoqarfinniluunniit oqaluffiit iluarsartuunnissaanni qanoq pingaarnersuuisoqassava? Qanorlu akeqassappat?**
- 4. Ittoqqortoormiuni oqaluffik qanoq pilersaarutigineqarpa? Nutaamik sanasoqassava? Aningaasanik immikkoortitsisoqareerpa?**

(Inatsisartuni ilaasortaq Mimi Karlsen, Inuit Ataqatigiit)

Tungavilersuut:

Oqaluffiit tassaammata anersaakkut katersuuffiusut ornigarneqarluartullu pingaaruteqarpoq pitsaasuunissaat. Inuit ilaasa oqaluffiit ornissinnaasanngilaat oqummik sapigaqarlugitik, tamannalu pitsaasuunngilaq.

Oqaloqateqarninni tusartarpakka oqaluffiit arlaqartut iluarsartuutassaasut, kusertarneri pillugit, suerneru pillugit allatulluunniit.

Oqaluffiit iseruminartinniarlugit aammalu aserfallakiartortippallaarnagit ingerlanneqarnissaat pingaartuuvoq. Taamaamat paaserusunnarpoq oqaluffinnik iluarsaartuussinerit qanoq ingerlanneqarnersut.

Nunaqarfiit illoqarfiillu ilaat oqaluffimmik nutaamik pisariaqartitsipput, soorlu Ittoqqortoormiini taama kissaateqartoqartartoq. Aningaasaliinissamilu pingaaruteqarpoq pisariaqartitaq aallaavigalugu tulleriiaarinissap qanoq innera paasissallugu.

Kissaatigivara apeqqutikka ullut suliffiusut qulit qaangiutinnginneranni akineqarnissaat.